

**Dissertationem inauguralem de aquae frigidae potu utili et nocivo in febris ardentibus / ... Subjicit Jo. Jacob. Schlierbach.**

**Contributors**

Schlierbach, Johann Jacob  
Verdries, Johann Melchior, 1679-1735  
Justus Liebig-Universität Giessen

**Publication/Creation**

Gissae : Typis vid. Joh. Reinh. Vulpii, [1723]

**Persistent URL**

<https://wellcomecollection.org/works/z6kevysj>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

DISSERTATIONEM INAUGURALEM  
DE

AQVAE FRIGIDAE  
POTV

VTILI ET NOCIVO  
IN FEBRIBVS ARDENTIBVS.

A. D. G.

RECTORE MAGNIFICENTISSIMO,  
*SERENISSIMO PRINCIPE AC DOMINO,*

DN. LVD. IO. WILH. GRVNONE,

HASSIÆ LANDGRAVIO, CETERA.

CONSENSV ET AVCTORITATE  
*AMPLISSIMI ET GRATIOSI*  
MEDICORVM ORDINIS,

PRÆSIDE

DN. IO. MELCHIOR. VERDRIES,

MEDIC. DOCTORE EIVSDEMQUE ET PHILOS. NATVR. PP. ORDIN.  
FACVLTATIS MEDIC. HODIE DECANO,

PRO GRADV DOCTORIS,

PVBlico ET SOLEMNI

*MAGNIF. ET EXCELLENTISS. ACADEM. PROCERVVM*  
EXAMINI SUBIICIT

IO. IACOB. SCHLIERBACH,

DODENAVIA - HASSVS,

A. ET R.

AD DIEM IVNII clæ locæ xxlll.

---

GISSAE,

TYPIBVS VID. IOH. REINH. VVLPII, ACAD. TYPOGR.



DEO  
ET  
PATRIAE.





DE  
AQUAE FRIGIDAE  
POTV  
IN FEBRIBVS ARDENTIBVS.

PROOEMIUM.

**Q**Vo foecunda magis & maxime omnium mortalibus infensa ac perniciofa est februm cohors, omnis conditionis, sexus, aetatis homines inuadens, & quo magis proin Medicis enitendum est, vt veram his morbis obuiam eundi viam inueniant, inuentamque, cum quoad theoriam, tum quoad medendi usum, praeceptis saluberrimis, remotis ambiguitatibus, firment atque communiant: tantis tamen difficultatibus involuta est haec doctrina, tantis dissidiis agitata, tot accumulatis sententiis distracta, ut opinionum diuersitate obruti, dubii magisque quam incerti dimittantur discipuli. Eaque sine dubio causa fuit, quamobrem clar. *Ramazzini*, in peculiari oratione, febrium omnium theoriam



theoriam & praxin inter desiderata medica referenda esse arbitratus fuerit; quo iure vel iniuria iam non disputabimus. Illud interea apud artis genuinae peritos manifestum est, non remediorum farragine & cumulo, sed prudenti directione Medici, paucis & simplicissimis adhibitis, optime curari febres: & celeberr. *Stablius*, ad experientiam prouocans, iam dudum omnibus ad animum reuocavit: febrem morbum esse, *frequentem, vehementem, breuem, ordine tamen certo progredientem & propemodum magis salubris euentus si nulla, quam si vulgari arte, vulgariūque remediorum intempestiuo usu interpelletur.* De Febribus ardentibus experientia virorum usu medendi celeberrimorum exploratum habemus, easdem, si conveniens regimen accesserit, solius fere aquae simplicis frigidae usu percuratas fuisse. Quamobrem cum, speciminis inauguralis loco, aliquid ad medendi usum & praxin cum primis spectans proponere iure quasi tenear, hinc si de *Aquae frigidae usibus & nocumentis in febribus ardentibus*, thema multiplici utilitatis fructu fecundum, breui dissertatione delinearem & pertractarem, operae me pretium facturum existimaui: idque eo magis, cum magno *Hippocrate* monente; aquae plurimam partem conferant ad sanitatem, aquarumque facultas Medico probe tenenda, & quae mala ab aqua fiant, & quae bona ab ea proveniant, scire debeat Medicus. *L. d. aëre, aquis & loc. & ex Galeni sententia, aqua communissima omnibus hominibus sit, tum sanis tum aëgris & ad vitam maxime necessaria de simpl. Facult.* Exit DEVS: vt conatus cedat feliciter.

I. Quid



## I.

**Q**uid sit *Aqua*? & quatenam sit essentialis ipsius constitutio? ex Physicorum scriptis hic repetere nolo, quin potius breuitatis studio Lectorem eo remitto: Proprietates tamen ipsius, speciatim in relatione ad corpus humanum viuens, praetereundae non sunt. Scilicet aqua non solum omnium humorum corporis omniumque humectantium fitique oppositorum basis est, sed & vim habet humectandi, lubricandi, emolliendi, liquefaciendi, dissoluendi, diluendi, refrigerandi, eluendi: ita vt in corpus & sanguinem delata humores fluxiles reddat, sanguinis fluiditatem conseruet, lympham ad concretionem proniorem tenacioresque, partium implicatione, moleculas a cohaesione arceat, ebullitionem nimiamque expansionem compescat; consistentiam ac crasin, nec non motum, cum intestinum tum progressiui, tueatur, moleculas heterogeneas soluat ac diluat, vt subigi facilius queant; secretiones viscerum promoueat, tubulis seruatis apertis; cum urina salium terraeque peccantes partes eluat atque eliminet; transpirationis negotium motumque humorum per vasa minima, glandularum imprimis reptatus, foueat, atque ita ad mutuum partium solidarum & fluidarum aequalitatem & conseruandam & instaurandam multum contribuat.

## II.

De frigore aquae simul obseruo (i.) intelligere me hic frigus non excedens & nimium, vtpote quod toti corpori omnibusque partibus nociuum, partes internae secundum *Hippocratem, de liquid. v/u.*, respuunt,



quod convulsiones, tensiones, nigrores, rigores febri-  
les parit *Aph.* 17. *f. V.* & a quo, ex mente *Galen*i, *meth.*  
*med.* L. 7. c. 6. omnia aquae nocumenta pendent; sed  
moderatum & mediocre, quod secundum *Hippocr.* ex-  
tra noxam est: *de liquid. usu.* (2.) Actū frigidam in rela-  
tione ad corpus humanum, tum solidi, tum fluidi re-  
spectu, in corpus agere, solida contrahere, firmare, flui-  
da vero quodammodo densare, calorem exsuperantem,  
debilitantem, dissipantem & depascentem compescere  
atque ita sanguinis potissimum crasin conservare, cor-  
ruptelam in putredinem tandem desinentem arcere, eo-  
que ipso hominem a gravissimorum morborum insul-  
tibus tueri, naturae, fibris & visceribus robur, actio-  
nibus vigorem addere: quod in primis illustrat *Pisanel-*  
*li, Medici Bononiensis* observatio, *de Aliment. Facult. p.*  
296. ubi, Siculos, inquit, memorant, ante introductum  
,, niuis usum, cum in aëre degant ferventissimo, ac te-  
,, pidissimis utantur aquis, quotannis aestivis mensibus  
,, maximo numero febrium pestilentium tyrannide e  
,, medio sublatis; quod malum ferocire desuit, ex quo  
,, primum niuis usum in potu admiscere, annis circi-  
,, ter abhinc 20. Diligenti namque observatione explo-  
,, ratum est, in vrbe Messana quotannis mille numero  
,, pauciores, quam ante usum niuis, homines interire;  
,, quo fit, ut vel e face plebis pauperrimus quisque o-  
,, pisex, in annona procuranda, non panem modo &  
,, vinum sed & niuem numeret. ,, Sic, in nostris quo-  
que regionibus, pauperes aqua contentos vel hoc pa-  
cto facilius ferre inflammationes, febres ardentes, va-  
riolas &c. existimat celeb. *Rivinus, de Medicin. in A-*  
*liment.*



*liment. optima c.I. §.23.* Nec sine ratione praecauendae pestis antidotum aquam esse, atque huius praecauendae causa, matutinis horis, tum & pomeridianis, plures aquae calices ficcasse, & quidem frigidae, si pectoris potissimum habitudo ferat, vtpote firmando solidarum tono idoneae magis, ex *Thes. Steph. Francisc. Geoffroy, Parisiis* non ita diu ventilatis: *An aqua saeuiente peste prophylacticum eximium?* contendit clariss. *Hecquetus, in Nou. Conspect. Medicinae, Appendic. de Peste p. 41.*

## III.

Praeterea obseruandum duco: potum frigidum insignem voluptatem afferre, ita vt instinctu quasi naturae frigidam exposcere sitisque molestias propellere videamur. Vbi non possumus satis admirari & venerari diuinam summi rerum conditoris prouidentiam, qui necessitati non solum sed & honestae voluptati nostrae hic consuluit atque necessitatem & gratiam, remedium & delicias, verbis Excell. *Bæcleri, de Potu frigido*, coire iussit, vt ad necessarii vsum nos inuitaret. Atque ipsa hac voluptate, gratoque quem frigus inducit, sensu, dum & molestia & causae molestiam inferentes extinguuntur & removentur, reficitur homo ac refocillatur, excitatur ac corroboratur natura, tonus partium ac vigor, excitata eo sensu anima, aut inuitato simul ad viuidiorem influxum fluido nerueo, instauratur, ut elatere corporis insurgente, vis naturae medicatrix exsuscitetur, qua prauis corruptisque humores, & quicquid est causarum morbificarum, praeparantur, subiguntur & tandem extra pomoeria corporis abiguntur & propulsantur.

## IV.



## IV.

De *Febris* natura tum veterum tum recentiorum controversias fufius hic exponere instituti ratio non permittit. Causas tamen perquirere e re fuerit; nam, secundum *Galenum*, nisi quis meminerit qua causa febres generentur, is nunquam febrimethodo prospiciet *Metb. Med. L. VIII. C. I.* Si experientiam consulamus, illud satis exploratum perspectumque habemus, omne id quod genus nervorum nec non vniuersi corporis membranas & cutim spasmodice contrahere valet, febrim etiam inducendae idoneum esse, febresque accendi: vel ab iis rebus quae nervos exstimulant, vti sunt inflammationes, dolores &c. vel ab iis quae corpus grauant, premunt, transpirationem prohibent molestumque toti corpori sensum inducunt, vt cruditates feri viscidioris &c. vel ab acribus & corrosiuis, plus minus venenosis; vel ab iis quae corpus & animam nimium quantum & iusto vehementius exagitant, vel ab iis quae humores eorumque motus valde immutant, vti sunt fames & euacuationes saepe nimiae. Vt proinde febres sint affectus nervorum, qui in horum concitationibus, oscillationibus, ac constrictionibus praeter naturam, & inde oriundo cordis impulsu velociori, ac simul aliorum muscutorum succussu, auctaque adstrictione tonica & orta inde maiori resistantia in vasis minimis consistunt, prout Cl. DN. Praeses illud fufius exposuit *de Aequil. ment. & corp. 85. sqq.* & prolixè deduxit ac declaravit, venerandus senex, Academiae Halensis eximium decus, Vir Excellentissimus, *Fridericus Hoffmannus*, Patronus atque Praeceptor meus omni honoris



noris cultu nunquam non prosequendus, Differtat. *de Generat. Februm*, vbi ostendit ac ratione & experientia confirmat, febrilem illum auctum sanguinis & humorum circulum semper cum spastica adstrictione fibrarum corporis fieri : neque in febribus tantum intermittentibus id ipsum obtinere, sed & in continuis spasmodicis continuo genus nervosum affligi, ibique spasmos per plures dies, licet cum quadam remissione continuare, neque prius desinere, nisi sub declinatione, causa morbi penitus subacta & expugnata, vbi cutis & emunctoriorum tono relaxato, excretiones quae morbum solum denunciant, & criticae appellari solent, promte fiant. Vnde veteres, & inter illos *Hippocrates* & *Galenus*, rectissime, nunquam fieri febrem sine rigore praecedente, qui spasmi species est, existimarunt.

## V.

His igitur, & cordis velocius ac crebrius impellentis, ac nervorum nervosarumque membranarum resistentium & repellentium, sibi quasi obluclantibus motibus efficitur, vt sanguis qui sedatiore cordis motu circumactus calore naturali partes perfundit, illa crebriore cordis & nervorum oscillantium agitatione per vasa compulsus, incitatio attritu solutioneque particularum, feruorem aestumque insignem concipiat, turbaeque in massa ista tot heterogeneis constante particulis non leues excitentur; dum & ordo partium ac elementorum, mistura & crasis sanguinis naturalis pervertitur, vt secedentibus partibus mobilioribus, aqueis, gelatinosae & crassiores facile coeant ac in lentorem plus



minus fibrasque concreſcant; eiectae autem extra mixtionis ordinem, & circumuolitantes, quae antea interiectae, totam intus globulorum ſanguinis molem placide agitabant, mobiliore igneae atque elaeſticae particulae, ac in lentorem arietantes irruentesque, aſſidua concuſſione, eiſmodi motum peruerſum, quo circulus vitalis grauiffime turbatur, in vniuerſa ſanguinis maſſa producant: quemadmodum eleganter, pro more, hoc ipſum explicat Excell. *Bergerus de Febr. Malign.*

## VI.

Ad lentorem inprimis concipiendum pronum eſſe ſanguinem in febribus ardentibus, vel ex ipſo ſanguine per V. S. emiſſo in pleriquis euidenter apparet, vbi ſerum coagulatum in conſpectum venit. Praeterea ex obſervationibus Anatomicorum compertum habemus, in iis, vbi aucta febris vehementia ad malignitatem reſ deducta fuit, poſt mortem ſanguinem inſtar medullae ſambucinae concretum apparuiſſe, vid. *Riolanus Enchir. Anat. L. II. C. 28.* Sic *Volcherus Coitier* in tali febre deſuncta ex ventriculis cordis & ſinibus meningum extraxit fila menta craſſa, lumbricis haud diſſimilia, ex pituita alba conſtantia *Obſ. Anat. & Chir. p. 110.* Quo faciunt etiam obſervationes *Thom. Corn. Conſentini, Progygn. p. 168.* *Mart. Rulandi, de Luc Hungar. Sim. Pauli Digreſſ. de Febr. malign. Marcell. Malpighii. de Poly-po.* Scilicet in illa turbati ſanguinis confuſione turbata naturali craſi, elementa non amplius, prout in ſtatu naturali fieri ſolet, ſe complectuntur, quin fluidiora ſecedunt, ſpiſſiora concreſcunt, vt tandem corpus calore fere



fere exsicceatur, vnde *Hippocrates*: quicumque, inquit,, ex febre ardente moriuntur, prae siccitate moriuntur., Et resiccantur primum quidem extremae ipsorum,, partes, manus ac pedes, deinde partes ficciores. Vbi,, autem humiditas ex corpore penitus fuerit exusta ac,, resiccata, sanguis quidem congelatur penitus, ac perfri-,, geratur, *L. I. de Morb.* VII.

Adhaec obseruamus: quod, si vllibi illud *Hippocratis: Naturae morborum Medici*: in Medicina locum inueniat, in febrium decursu inprimis id ipsum attendi mereatur: cum apud intelligentes satis euident sit, febres esse morbos certo ordine progredientes atque, si vires constiterint & natura fuerit robusta, nec vis morbi vehementior, salutaris propemodum euentus, cum aestus pulsusque febrilis & qui hos consequuntur motus ac symptomata, quibuscum aeger in statu febris conflictatur, ab ipso naturae, a causa morbi incitatae, hoc est habitus corporis ab influxu fluidorum vitalium animati, velocius & extra ordinem agitati, & sic cordis, sanguinis, arteriarumque motu concitatiore profiscantur, atque dum, mutuo turgescientium molecularum attritu, inaequalia ramenta subiguntur, diuiduntur, solvuntur & ad congrua subcervicula identidem deferuntur, iisdem naturae viribus, causa quae naturam turbauerat eidemque vim intulerat exprimatur, propellatur profligetur. Vnde manifestum est, Medico, quem Naturae imitatoris, ministri, prudentisque adiutoris officium explere decet, id negotii datum esse, vt naturae non refragetur neque hos motus quatenus ad salutarem scopum directi sunt & intra iustam

B 2

mensuram



mensuram ac limites suos continentur ac decurrunt, cohibeat, sed potius eosdem, ubi deficiunt, promoueat, & impedimenta remouendo faciliat, perturbatos nimium moderetur, & tumultuantes plus iusto refragnet. Vbi, ex sententia prudentum in arte virorum, conducibilis est, morbum temporis & naturae curandum relinquere, quam novos in corpore motus ac turbas excitare, aut, quod optimum longeque consultissimum est, remediis simplicibus, blandis, naturae amicis ac consuetis eidem suppetias ferre, eandemque erigere, vim morbi compescere, causas infringere & eliminare. Tale vero remedium si perquiramus, vix nobilius ac praestabilius, ipsique naturae humanae magis conueniens, morboque & causis adaequatum inuenire licebit, limpidissimo simplicis aquae humore. Atque hoc ipsum est quod experientia & ratione iam vberius paulo mihi erit demonstrandum atque illustrandum.

## VIII.

Saluberrimum esse Aquae liquorem, diuino munere nobis concessum, ex eo in primis apertum est, quod ad vitae necessitatem diuina prouidentia destinatus commodum, innoxium, naturae in primis accommodatum; alimentorum, quibus vita producit, vehiculum, ac necessarium fluidis vitalibus diluendis, caloriq; temperando, & rigando salubriter totius corporis habitui, humorem, restinguendaeque siti gratissimum rorem praebet. Vnde non tantum naturalis & necessarius sitientibus, cum hominibus tum animalibus potus est, sed etiam dum, in prima illa ac innocenti aetate, cui fecerunt aurea nomen, hominibus praesertim placuit, atq; sanitatem



fanitarem diu illibatam, & vitam longaeuam, qua fructi sunt priscis temporibus, procurauit, quod grauiſſimis Auctoribus perſuaſum eſt, vtilitatem ſui abunde comprobauit. Neq; inuita veritate Aurelius Imperator apud *Gueuarram*, in *Horol. Princip. L. II. C. XXIX.* ſi aetas, inquit, iam eſſet aurea: quando quid vinum eſſet homines ignorabant & aquam cuncti bibe-  
bant: terra iſta noſtra hac longe melior eſſet. conf. *Claud. Deodat. in Panth. Hygiaſt. L. II. C. XIV.* Illud certum eſt, aquam eſſe vniuerſale conſeruatiſſimae noſtrae praefidium, nec deſunt noſtris temporibus exempla plurium longaeuorum, qui longaeuitatis ſuae cauſam potui aquarum ſimplicium in acceptis tulerunt; idque non gratis aut temere, cum, iudice Exc. *Meibomio*, bonum corporis habitum conſeruet aqua, & dum acres ſalinasque particulas e ſanguine eluit, illumque dulciorem reddit, *ἐνέχῃαν* procuret, corpusque a macie, ſiccitate, quae ſenium in primis promouet; (ſeneſcere enim, ſecundum Philoſophum *Lib. de iuuent. & ſeneſcut.* nihil eſt aliud quam ſicceſcere, conf. *Excell. Bergerus, Diſſert. de vita & morte*) & ſqualore praefert. Adhaec, aquae potores edaces ſunt, teſte *Hippocrate, Galeno* experientia. Nec ratio fugit cultiſſimum doctiſſimumque Gallum, *Clar. Hecquetum* quando, feliciorem nuſquam aut ſalubriorem ciborum coctionem fore, exiſtimat, quam eam, quam, fecerit aqua: haec enim, inquit, vinorum aucta ſaporibus, vitae minus quam morbi ſtimulos addet, tot, veluti ſpiculis armata, quae ſolidorum mordendo ſi-  
bras & oſcillationes turbando, fluidorum curſus &



„circulationes miscant, harumque molles directiones  
 „in impetus mutando, animalis oeconomiae ordina-  
 „tionem vertunt & leges, cum simplex aqua genuinas  
 „potoriae rei condiciones habeat, saporisque, odoris,  
 „coloris expers indifferens sit, amica nullius, ne alicu-  
 „ius esset inimica, fluxilis, mobilis, menstrui vniuer-  
 „salis vices agens, non tantum quod nulli non rei sol-  
 „vendae par fuerit, sed & vehendae per omnes vaso-  
 „rum recessus, flexus, diametros & capacitates; cum  
 „proinde nihilum habuisset quo resisteret, proprium  
 „illi nihil esse debuit praeter obsequium, *Nov. Conspect.*  
*Medicinae P. II. C. IV. p. 271. sqq.* Atque eo fine dubio  
 respexit politissimae eruditionis, vir Excell. *Bergerus*,  
 quando in longaeuitatis antediluvianaе causas inquirens  
 a salis & fermentatorum, speciatim vini, usu illis tem-  
 poribus incognito easdem deriuauit, horumque post  
 diluuium introductum usum breuitatis vitae causam  
 esse multa eruditione & elegantia demonstrare allabo-  
 rauit. *Dissert. de vita longa.*

## IX.

Neque vero tantum in statu sanitatis, leuandae si-  
 tis & restinguendi aestus causa, aquam, & quidem fri-  
 gidam, bibebant olim, sed & quando iacturam quan-  
 dam sanitatis paterentur. Videas hinc passim eandem  
 commendatam ab *Hippocrate de ration. vict. in acut.*  
 in morbis acutis, *L. III. de morbis*, ad causum alianque  
 febrem, *L. II. de morb.* in febre biliosa, *de morb. popu-*  
*lar. L. V.* in doloribus ventris, & *Asclepiadem* frigida in  
 morbis data nomen sibi acquisiuisse, *Plinius* Auctor est.  
 Nec id quidem immerito, nam iudice Excellentiss.

*Friderico*



*Friderico Hoffmanno*, si medicamentum in vniuersa, rerum natura datur, quod universale salutare mereatur, certe illud non aliud est quam aqua communis: nec veritate refragante scribit *Exc. atque Clar. Dn. D. Alberti*, Praeceptor atque Patronus meus omni venerationis cultu iugiter prosequendus: si vlla panacea, simplex, secura, certa & probata desideratur, sane, nulla melior occurrit quam aqua. *Praef. Dissert. de prudent. haemorrhoid. therap. per acidul. & therm.* Possem plurimas obseruationes virorum vsu medendi celeberrimorum hic adducere, vbi aquae potu grauissimi, inprimis spasmodici, morbi curati fuerunt, sed pagellarum angustia non permittit, vid. interea *Meibomius de Aqu. calid. potu §. XXV. XXVI. Riuius de Agrest. vitae sanitat. §. 28.* Quoad febriles affectus speciatim, testatur quotidiana experientia, quod agrestes & plebeiae fortis homines febribus afflicti soliusque naturae instinctum secuti, abstinencia a cibis, atque largissimo aquae potu aestum retundant febresque profligent. Et certe si qua fides est monumentis antiquis, si quis experientiae & rationi recentiorum locus, potio aquae frigidae recte exhibita & tempore opportuno, indubitatum omnibus saeculis remedium fuit.

## X.

Bina antiquitas praesidia nouit ad febres extinguendas efficacissima, sanguinis euacuationem copiosam & nonnunquam ad animi deliquium factam; atque aquae frigidae largum potum, vid. *Galenus IV. meth. med. c. V.*; hoc posterius rationales Medici febribus vehementer calidis conuenire voluerunt, quod ipsarum



ipsarum calorem & aestum debilitantem frigus extinguat, atque refrigeratione solidarum partium animalis natura excitata & roborata, putridos, quos credebant, humores, naturae iam motu attenuatos, vel per vomitum, vel per ventrem, vel per cutim expellat. *Galenus* complures ab ardentissimis febribus hoc remedio sanatos vidit, & maxime in statu, aquam vel confertim exhiberi iussit & tanquam expertissimum remedium commendauit. Postea cum Graeci tum Arabes, in febribus vehementissimis, aquam ad saturitatem propinandam voluerunt, in corporibus robustis & aquae assuetis, nulla existente in visceribus vel phlegmone, aut imbecillitate, apparentibusque coctionis signis. Ita quoque *C. Celsus*, cum vero inquit, in summo incremento morbus est, non ante diem quartum, magna siti antecedente, frigida aqua copiose praestanda est, ut bibat etiam ultra satietatem, & cum iam venter & praecordia ultra modum repleta, satisque refrigerata sunt, vomere debet. Quidam ne vomitum quidem exigunt, sed ipsa aqua frigida tantum ad satietatem data, pro medicamento vtuntur. Requirit tamen subiectum vbi nihil prohibens vel in pulmone vel in faucibus, non vlcus, non defectio, non profluuium alui fuit. *C. L. 3. c. 9.* Hos, suffragante experientia, deinde secuti sunt Medici experientissimi quamplurimi, vid. *Aetius L. V. C. 71. Zacut. Lusitan. de Med. Pr. L. IV. Hist. XI. Amat. Lusitan. Cent. IV. Cur. 14. Riuerius Instit. L. IV. c. 24. Forestus L. I. Obs. XIII. schol. Schenkius Obs. L. VI. Rolsincius ord. & method. Med. special. L. XIV. c. 25. Panarolus Pentecost. II. Obs. 45. Langius in Epistol.*



*Epistol. Med. & Smetius in Miscellan.* qui in Italia quotidie, aestatis tempore, plurimos ardentibus febribus laborantes ex liberalissimo aquae frigidae potu a febre liberatos se vidisse, nec modo vidisse, sed etiam auctorem nonnullis fuisse, ut ita facerent, optimo cum successu, testatur. Atque hic quidem, cum apparet in vrinis coctio, & natura vicisse aliquo modo morbi causam cernitur, non ad satietatem, sed ad fastidium, ad vomitum bibere iubet. Nouit Cl. Dn. *Praeses* exemplum Viri admodum Reuerendi, adhuc, magno Ecclesiae bono, inter viuos agentis, qui, cum febre maligna grauiter decumbens, in ipso morbi statu, vbi ad extrema res peruenerat, sex ad octo libras cereuisiae secundariae, quae vix sapore, colore & nomine ab aqua differt, successiue, breui tamen temporis spatio, urgente grauissima siti, haussisset, paulo post, oborto vomitu, morbo feliciter liberatus fuit. Noui & ipse casum, vbi vir, febre catarthali, ad malignitatem prona, laborans, cum iam sub maxima anxietate praecordiorum suffocationem pertimesceret, haustu frigidae copioso felicissime & oppressionem pectoris & febrem abegit, relicta tussicula, quae conuenientibus resoluentibus facile cessit. Ita quoque Excell. *Schelhammerus, de Genuina febr. curandi method.* methodum aqua frigida curandi febres ardentes exponit, laudat, commendat & obseruationibus confirmat; quin sine conscientiae macula talia refrigerantia Medicos omittere non posse contendit: testaturque, ex ore viri summi, Medici consummatissimi, *Henr. Meibomii*, de totius cuiusdam pagi incolis, qui Medico & remediis destituti, aqua frigida

C

aestum



aestum extinxerant, mox oppressum plane & quasi obrutum calorem, natiui reliquias, liquore ex vino destillato resocillantes, omnes restituti fuerunt: plane obseruantes, haut aliter ac si ipsi legissent, *Hippocratis, de loc. in hom.* praeceptum: Febrem refrigerante „medicamento exsoluito, ac vbi ex eo ad naueam deuenieris, calefacientibus deinceps vtitor.

## XI.

Neque igitur immerito longa experientia edoctus, laudatus supra *Frider. Hoffmannus* aquam simplicem inter febrifuga refert, vbi & propriam experientiam & *Puluerini, Medici Neapolit.* praecepta adducit. *de Cura Auenac.* nec temere vsu medendi eminens *Wedelius* aquam, licet simplicissimam, summum vsu in febribus habere monet, quod potissimum serum deficiens substantifice restituat, serumque fluxile ac habile ad transpiratum & diaphoresin reddat. Ex qua ratione & celeberr. *Riuius* aquam fontanam actu frigidam inter potiora febrium malignarum remedia commendat. *Diss. de Febr. malign. §. 42.*

## XII.

Vidimus quid experientia doceat; cum vero non exemplis, sed regulis ratione suffultis sit iudicandum, dispiciendum nunc erit, quid ratio suadeat? In quantum illius dictamen hic conspiret? & quomodo ad circumscriptum aquae vsu in his affectibus nobis facem praeferat? Obseruauimus supra: febres morbos esse adstrictos atque in continuis, ardentibus, spasmis continuo genus nervosum affligi, ita vt vasculis minimis & emunctoriis iusto strictioribus, motus humorum ae-

qua-



quabilis ac liberior consuetaeque secretiones & excretiones turbentur. Aqua humectat, emollit, laxat, adstrictionemque nimiam aliquo modo soluit: praeterea causas spasmodum aggreditur easdemque diluit, infringit, eluit; vnde in affectibus arthriticis, podagra, affectibus conuulsivis mulierum, passione hysterica, colica, eximium usum saepissime praestitit, prout ex *Trincavellio*, *Bruyerino*, *Schenckio*, *Herm. van der Heiden* aliisque, non minus ac propria experientia ostendit cel. *Meibomius*, de *Aqu. cal. potu* §. XXXV. sq. conf. laudatissimus *Hoffmann*, de *Aqua medicin. universali* §. XXI. quod si enim hic nervos solatur & blande resoluit atque motus secretiones & excretiones ordini suo restituit; cur non in febribus idem efficeret?

## XIII.

Praeterea, in febribus, cordis & nervorum citationibus, sibi quasi obluquantibus, motibus sanguis insignem feruorem aestumque concipit, mixturam naturalem amittit, elementis ad secessionem propendentibus, consumtoque nimio aestu sero fluidiore, spissior ac lentior redditur. Aqua frigida calorem restinguit, aestum compescit, serum ac lympham fluxilem restituit, mixturam ac crasin naturalem reddit & tuetur, inaequalia & minus temperata ramenta, lentos viscidosque humores soluit, ab implicatione vltiori & cohaesione arceat, atque vniuersam humorum massam ad liberiores motum circulumue habiliorem reddit.

## XIV.

Motus febriles, si caetera fuerint paria, vi dispositionis, ordinis, consensus partium se mutuo cienti-



um, vigore ipsius sanguinis circuli ac harmonia vtriusque hominis substantiae, siue vt verbo me expediam, vi naturae medicatrice, ad salutarem finem directi sunt, ita quidem, vt iis ipsis causae morbi & quicquid concentum partium, aequabilitatem motuum, atque sic ipsam sanitatem turbare, impedire & labefactare potest, subigatur, siue vt loqui amant coquatur, corrigatur & excernatur. Aqua, tanquam remedium blandum, temperatum, diluens certoque sensu diaphoreticum vid. *Wedelius de Aqueor. usu & abusu*, p. 22. refrigerans, istos motus egregie promouet, faciliat, ac intra iustam mensuram & limites sui decursus conseruat; dum primo aestum nimium & rarefactionem sanguinis, humorumque turgescientium impetum, quo vires naturae deiiciuntur, (quando sanguine ultra modum expanso neruosum genus motuumque vitalium instrumenta impediuntur, opprimuntur,) reprimat. Deinde grato refrigerio & humiditate sitientem non solum ventriculum recreat & reficit, sed & totam naturam, penetranti frigoris stimulo, excitat, corroborat, vt fibris valide intensis contra morbum efficacius insurgat; quo sensu inprimis aqua & aquea diluentia inter cordialia frigida referuntur. vid. *Wedelius de Medic. Facult. L. I. S. III. C. V.* Tertio, dum materiam febrilem motibus atterendam & iam aliquo modo attritam vlterius exsoluit, diluit & ad excretionem habiliorē reddit, transpiratum aliasque secretiones & excretiones hic necessarias, totumque criticum naturae negotium egregie ac salubriter adiuuat.

XV. Cum



## XV.

Cum igitur experientia & ratio, hinc rationalis Medicinæ fulcra & sciendi media, hic conspirent, nullum est dubium, quin ab hoc in sua simplicitate efficacissimo remedio haud leuem nobis promittere possimus operam. Posset tamen quis obmoliri: Primo non pauca sæpe nec contemnenda incommoda potionem frigidam in his morbis subsecuta, & vitam sæpe citius quam sitim iisdem extinctam fuisse, ipsumque *Galenum* diffiteri non potuisse, *de sympt. caus.* vidisse se febre ardente laborantem, cum in exacerbationibus morbi aquam gelidam liberalius biberet, semper tamen grauius ardentiusque sitiisse; imo siti enecatam fuisse: idemque *Arionis Peripatetici* exemplo manifestum esse, quod adducit *idem*, *Lib. de Consuet. c. 1.* qui, ad extinguendum aestum, iussus a Medicis ut frigidam potaret, cum alias potioni calidae assuetus esset, obiit illico post haustum. Nec deesse funesta exempla eorum, qui, cum in ardentibus, ex obstinatione aut falsa opinione, frigida eluendum esse sanguinem existimauerint, in magnas se & fatales sæpe diarrhoeas præcipitarint. vid. *Pechlinus, de Purgant. C. XXXIII. p. m. 267.* Sic quoque ludimagistrum, apud *Fabrit. Hild. C. III. obs. 48.* cum febre ardente laboraret, & frigidam, quantum anheli- tus sufferebat, ebiberet, eodem die discessisse. Quin, adeo nocium hic esse frigus, ut mulier apud *Tulpium Obs. L. IV. C. XI.* ad restinguendum febris ardentis incendium os frigida saltem colluens atque, gratissimo hoc algore gauisa, paucis horis aliquot urnas consumens in delirium prolapsa, contractis nervis, in-



terierit. Frigidam qualitatem interius susceptam humorum coctionem impedire, ipsos crassiores & crudiores reddere atque obstructa fouere. Deinde cum frigidum bellum indixerit nervis, cerebro dorsali que medullae, teste *Hippocrate Aphor. XVIII. S. V.* cum ex frigida dolores & auersationes eueniant, secundum *eundem, de liquid. v/u.* non posse aquam frigidam non nocere in febribus his, quae, ex supra dictis, sunt affectus neruorum cum spasms continuis coniuncti.

## XVI.

Sed facile respondere licet. Ad primum: ita comparatam esse rationem huius remedii, ac aliorum remediorum generosorum, quae apud imperitos sunt culter in manu furiosi. Artis esse nosse & discernere vsum & abusum. Verissime enim *Hippocrates: de Art.* Quae profuerunt, inquit, ob rectum vsum profuerunt, quae vero nocuerunt, ob id, quod non recte vsurpata sunt, nocuerunt. Nam non minus ea, quae damno sunt, quam ea quae opem ferunt, testantur quod ars sit. Vbi enim rectum & non rectum, vtrumque suum habet finem, quomodo quis hoc artem esse neget? Et *Galenus*, cum nocumenta aquae frigidae exposuisset: Noui, me ista, inquit, enumerando, formidolosum te ad frigidam exhibendam reddere, vidisti me tamen saepe numero, in arte exercenda, suo tempore & vt oportebat, hoc vsum praesidio aegris semper absque vlllo prorsus nocumento profuisse.

## XVII.

Ad secundum non minus in procliui est respondere: frigidam non semper & vbique nervis esse inimicam,



micam, aut dolores producere; cum saepe grato & salutari refrigerio suo illos soletur, excitet, roboret iisdemque valde amica sit: qui enim inter confortantia locum, quem tamen grauiissimi Auctores eidem concedunt, inuenire posset, si neruis semper & absolute bellum indiceret? Adhaec, iam sub initium monuimus, nos per frigidam hic non intelligere gelidissimam, sed quodam modo temperatam, fatis tamen refrigeratam. Moderatus enim vsus hic iuuat. *Hippocrat. de liqu. usu* conf. Excell. & Celeberr. *Valentini Med. Nou. Antiqu. e font. Hippocr. P. VI. C. II. §. 16.* Quando enim gelida ad glaciale etiam & niualem rigorem deducta hic profuit, aut febris ardentissima sola niue feliciter curata fuit, v. *Ephem. N. C. Germ. Dec. I. A. VI. Append. p. 30.* semper certae conditiones naturae, consuetudinis, singularis auiditatis & appetitus, & similes coniunctae fuerunt, quae vim exsuperantem: remedii quodam modo infregerunt & nocumenta excedentis frigoris auerterunt. Neque haec exempla temere sunt imitanda. Moderatum vero frigus adeo non perhorrescit aut auersatur natura, vt illud potius auidissime expetat, eoque recreetur & reficiatur. Neque, laedi absolute naturam aut ventriculum frigore, putandum; cum experientia & ratio doceat, aquam frigidam magis esse conuenientem ventriculo quam calidam, nisi singulares circumstantiae calidam exposcant. Illa enim sensibili frigore fibras irritando stringit, densat, intendit atque ventriculum confortat. Haec vero laxando fibras debilitat, tonumque ac virtutem eius soluit, vnde & calidam neruorum impotentiam & carniū effoeminationem,



tionem, torporemque mentis & animi deliquia producere affirmat *Hippocrates, de liqu. usu.* Et vel soli acidularum potatores, qui potum frigidum, magna in copia, sine nocumento, quin potius magno naturae & ventriculi emolumento ingerunt, satis ostendunt, non nocere ventriculo frigus, si caetera fuerint paria. Multo minus coagulatio sanguinis metuenda a fluido diluente, dissolvente, sanguinemque ad motum cum intestinum tum circularem habiliorem reddente, in statu vitali, nervis & tono partium nondum penitus oppressis, quin valide potius ad conquassationem sanguinis insurgentibus & a frigoris stimulo ulterius incitatis.

## XVIII.

Exhibenda igitur omnino aqua frigida in febribus ardentibus: sed prudenti consilio, & ex *Galen*i praecepto, suo tempore & ut oportebat. Scilicet in omni ardore febrili, uti in sitibunda quavis intemperie, aquea humectantia & refrigerantia utiliter & cum gratia opponuntur, & inter illa imprimis aqua communis, limpida, potabilis & pura, atque haec quidem frigida, sed pro cuiusvis aegri natura, constitutione & idiosyncrasia, ratione frigoris ad bonam tolerantiam ita moderata, ut coctionem non impediat & a ventriculo facile feratur. Et frigidus quidem hic potus in his morbis adeo est necessarius, ut non solum non negandus aut interdicens sit, sed & persuadendi sint aegri, ut largius bibant, si, quod in malignis saepe accidit, id facere renuant: quamvis tamen pro ratione circumstantiarum caute hic mercandum sit, imprimis si, quod haud raro fieri in illis morbis solet, calor ingens non urgeat.

## XIX.



## XIX.

Et exhiberi quidem potest aqua vel in sua simplicitate, vel additis aliis refrigerantibus, acidis, incrassantibus sic dictis, aut potius rarefactionem & aestum reprimentibus, morbo & causis ipsius, prout res flagitauerit accommodatior reddita. Sic veteres Graeci, & inter illos inprimis *Hippocrates*, pituitana sua febres iugulare fategerunt. Nostri vero temporibus decoctum hordei, auenae decorticatae, Corn. Cerui cum rad. scorzonerae & pomo citri, iulepi item spiritibus acidis acuatim vel succis cerasor. berberum, ribes. aut syrup. acetos. citri, corallior. ad gratiam additis, palato, & saepe etiam morbo magis accommodati, optimo consilio & successu in usum vocantur. Sic & *Galenus*, ubi aquae nocumenta metuebat, eandem tantillo vini correctam exhibebat: Neque vllum est dubium quin in his potibus aquae potiores in medendo partes sint.

## §, XX.

In copia concedi potest aquae potus, si expetat aeger; ita tamen vt non subito & repente magnam aquae vim ingurgitet: quin paulatim & successiue hic bibendum. Etenim quod paulatim fit, tutum est, tum alias, tum quando ab vno ad alterum fit transitus. *Hippocr. S. II. Aph. 51.* Neque frigore tam obruitur ventriculus, nec praecordia valde offenduntur, si lente, quam si confertim & subito frigida ingeratur.

## XXI.

Aqua vero intensius refrigerata non semper tuto exhiberi potest, & quamuis ipsius usum effectus salu-

D

tari



taris saepissime comprobauerit, sunt tamen multae conditiones tum naturae aegri, tum ipsius morbi & morbi temporis, quae vsum ipsius pertimescendum efficiunt. Scilicet hoc remedii generosi genus apud eos tantum locum habet, qui (1.) natura gaudent rebusfortiori, quorum ventriculus & viscera bene constituta sunt ac firmitate fibrarum & robore pollent. (2.) Et iis concedi potest qui temperamenti sunt calidi, cholericis, sanguinei, aut illorum multum participes, quorum sanguis ad orgasmum, aestum & ardorem concipiendum procliuior est. (3.) Qui in iuuenili, & consistente aetate constituti sunt, vbi natura in vigore est. (4.) Qui frigidae potioni insueuerunt, vbi viscera assueta frigidae occursum facilius ferunt & tolerant. A multo enim tempore consueta, etiamsi fuerunt deteriora, insuetis minus turbare solent. *Hippocr. Sect. II. Aphor. 50.* (5.) Qui singulari appetitu & auiditate frigidam expectant. Ita enim, ex sententia experientissimorum Medicorum, non exiguum indicationi robur accedit. Voluptas enim & tolerandi facilitas pro cuiusque confessione ad salubritatem consentire videntur. *Hippocr. de liqu. usu.* (6.) Danda est vbi insignis ardor, ariditas, & exsiccatio totius habitus aequae ac faucium cum linguae nigredine adest. (7.) Vbi signis coctionis iam apparentibus, febreque remissione, diaphoresis liberior instauratur. (8.) Si ex inebriaminibus & potuum spirituosorum abusu sanguinem accensum & inflammatum esse constiterit; vbi causae aestimatio, secundum *C. Celsum. L. I. Praef. p. m. 19.* morbum soluit, qui in exemplum adducit ingeniosissimum saeculi sui Me-



Medicum, Cassium, qui febricitanti cuidam & magna siti affecto, cum post ebrietatem eum premi coepisse cognosceret, aquam frigidam ingessit. Qua ille epota, cum vini vim miscendo fregisset, protinus febre somno & sudore discussit.

## XXII.

Quantum talis frigidae hic bibendum sit? determinavit *Galenus*, nempe in copia & confertim vsque ad bibentis saturitatem, siue, uti *I. de rat. vict. text. 43. & lib. 9. med.* clarius mentem explicuit, valida existente febre & virtute, tantum ut liberet; quantum una inspiratione bibere possit aeger: & hoc tamen postquam signa coctionis manifesta in venis apparuerint & febris est remissior, non alio tempore. *Smetius* liberalissimum frigidae potum esse iubet, cum apparet in urinis coctio & natura vicisse aliquo modo morbi causam cernitur. Nec succedere rem dicit, nisi multam omnino bibant: tantam scilicet quae oneri & molestiae esse queat. Verum hoc non semper esse necessum, neque *Galenum* huius necessitatis meminisse, & experientiam eandem oppugnare, recte contendit doctissimus *Schellhammerus de genuin. febr. cur. meth. P. III. S. III. §. XXXVI.* Ego in copia quidem hic exhibendam frigidam, sed non subito & confertim, quin potius successiue, ut per longum temporis intervallum sitim fallat; quantitatem vero vix determinari posse existimo, eandemque prudentiae Medici pro ratione conditionum, tum aegri, tum morbi, inprimis pro ratione appetitus & auiditatis, vel extendendam vel restringendam relinquo.



## XXIII.

Sed cum, vti antea monuimus, non vbique tutus fit in ardentibus gelidae vsus & ex praecepto *C. Celsi L. III. C. I.* ignorari non oporteat, quod non omnibus aegris eadem auxilia conueniant; dispiciendum adhuc erit, in quibus subiectis, in qua morbi constitutione, & quo tempore, frigidior potus his in febribus nocuius sit. Scilicet, quod ex antea dictis iam inferre licet, nocet frigida iis quorum (1.) natura debilior, ventriculus aliquo modo languet, ac fibrarum tonus iusto remissior, viscerumque robur minus firmum ac valens est. (2.) Qui constitutionis sunt tenerioris ac sensibilibioris, vbi leue quoddam stimulus magnas turbas & tumultus, tum in nervorum genere, tum in ipso sanguine iam agitato, ciere ac producere potest. (3.) Qui temperamenti sunt phlegmatici ac constitutionis in excessu, humidae, in quibus tonus partium est laxior, fibraeque motrices languidiores. Nocet etiam plerumque in temperamento melancholico. (4.) Nocet in puerili & senili aetate, nec minus (5.) in iis qui potui aquae non sunt assueti, vel qui potui calido per longum tempus ita sunt assuefacti, vt etiam in statu sanitatis vno saepe haustu frigido morbum saepe & mortem combibant, aut (6.) quorum idiosyncrasia eandem respuit & auersatur.

## XXIV.

Insigniter frigida nocet (7.) in malignis, vbi nec ardor nec sitis vrget. Nec (8.) in principio febrium vbi rigor externa fortius ac validius constringit, nec (9.) in progressu & incremento, vbi natura circa crisin occupata est, in primis si vires ad criticum negotium ab-

soluendum



soluendum adhuc constant, temere exhibenda. Motus enim criticos, irritata temere natura, facile turbat ac peruertit. Vnde (10.) etiam in febribus vbi natura causam morbi sub exanthematum forma ad peripheriam pellit, petechialibus, purpura, variolis, morbillis eidem locus esse nequit. Quod enim *Th. Bartholinus, Hist. Anat. Cent. III. Obs. 89.* de binis mulieribus Groenlandicis refert, quod variolis infectae, cum varia potus genera tam ad prouocandas variolas, quam sedandum caloris aestum aliis proficua offerrentur, omnia recusauerint, ne coctam quidem aquam admissurae, sed signis datis frigidam ex fontibus auidissime expetierint, eaque concessa conualuerint: illud imitari aequè temerarium foret, ac si Aethiopum curam, quando variolis decumbentes, in febrili aestu, in profluentem demittunt: aut Indorum orientalium, qui variolis conspersos, quando iam prodierunt variolae, aqua frigida lauant vid. *Ephem. Nat. Curios. Dec. 1. A. VIII. Obs. 68. & A. X. Obs. 194.* nostris in regionibus commendare, aut ad exemplum centurionis illius equestris apud *Lyser. Obseru. IV. Cultr. Anatom. subiect.*, aegros febre ardente correptos in aceruo graminis virentis aliquoties abscondere ibique aliquamdiu repositis felicem curationis successum promittere velimus.

## XXV.

Porro nocet admodum gelida (11.) vbi profluuium alui vel antecessit, vel imminet, vel iam in actum erupit: sic enim fibris frigoris sensu constrictis, in illa commotione humorum, succis ad tubulos intestinales confertim confluentibus, facillime vel rheuma-



tismus periculosus vel inflammatio lethalis oriri posset : (12.) ubi viscerum imprimis nobiliorum inflammationes morbo coniunctae sunt : quod & *Hippocrates* iam annotavit , *de vict. rat. in acut.* multo magis vero (13.) si inflammatio in abscessum & vlcus transierit. Ulceribus enim frigidum est acerbum & mordax. *Hippocr. S.V. Aphor. XX.* Sicuti (14.) nec iis prodesse potest qui obstructiones , scirrhum , aut oedema in visceribus , aut (15.) pectoris, eiusq; partium minus firmam dispositionem habent, vel etiam, harum iam protrito robore, ad tabem & hecticam propendent. Nec iis (16.) qui, in morbi declinatione & remissione, natura & viribus valde delassatis , analepticis & roborantibus temperatis opus habent.

## XXVI.

Tantum hic , speciminis Academici Inauguralis loco , adduxisse iam sufficiat : reliqua dexteritati prudentis Medici relinquuntur : qui pro ratione subiecti, morbi, consuetudinis, climatis & regionis ; ( siquidem , differunt etiam pro locorum natura genera medicinae, secundum *C. Celsum L.I. Praef. p. 8.* ) temporis, nec non morbi temporis , aliarumque tum aegri tum morbi conditionum, iudicare, & opportunitatem temporis & momenti aestimare nouerit : Sic enim ubi, quando & quomodo generoso hoc remedio naturae suppetias ferre possit ac debeat ; & qua ratione, si opus fuerit , illud aliis medicamentis suffulcire queat, haud difficulter perspiciet. Neque enim, dum huius remedii vsum genuinum commendo , alia artis subsidia exclusa plane volo, quin venae sectionem in tempore recte



recte praemississe veteres, & quidem largam, quamvis ad animi deliquium vsq; eandem institueudam esse affirmare nollem, existimo. Praeterea circumspectum temperationum, diaphoreticorum fixorum, sic dictorum praecipitantium, vel figentium, hoc est aestum & rarefactionem compescentium, incidentium, attenuantium, blandoque stimulo & adstrictione roborantium; nitri etiam similiumque concretorum salinorum: atque suo loco & tempore etiam volatiorum, praefertim salinorum, vsum ad felicem curam plurimum hic conferre posse persuasissimus sum.

## COROLLARIA.

### I.

*Satius est & utilius aqua inebriari, quam vino madere.*

### II.

*Neque tamen vini rectus vsus ideo dissuadendus.*

### III.

*Explosione digni sunt, qui vinum humanae vitae pestem, ex abusu, criminantur, & bene fecisse Lycurgum, quod de vitibus extirpandis edicta sanxerit, existimant.*

### IV.

*Aqua frigida hauriri mauult: & unicus frigidae haustus plus refocillat, quam decem calidae.*

### V.

*Indomitae Thee & Coffe ingurgitationes manifeste debilitant, ut satis causae habuerit Cl. Duncan, Gallus, cur toti mundo id ad animum reuocaret. Tr. Avis salutaire a tout le monde contre l'Abus des Choses chaudes &c.*

*VI. Et*



VI.

*Est tamen suus, ut frigidae, sic & calidae usus.*

VII.

*Quibus nulla aqua satis frigida est, qui niues & glaciem potant poenasque montium in gulae voluptatem vertunt, plerumque, nisi firmissima natura & consuetudo remedii & quasi antidoti loco sit, sanitate facile, & saepe miserrime, excidunt aut mortem ipsam combibunt.*

VIII.

*Animo relictos stupentesque frigida spargere bono cum successu solemus. In convulsionibus tamen idem tuto imitari non licet.*

IX.

*Capiti gratum est & necessarium calidum: nulli tamen caput nimis communire salutare est, nisi vel aetas vel aeris inclementia id postulet.*

X.

*Inter nulla vel pauca auxilia aduersae valetudinis plerumque tamen bona contigit priscae aetati, cum magna viuacitate, ob simplicem victum & bonos mores, quos neque desidia, neque luxuria vitiauerat. conf. C. Celsus in Praef.*

XI.

*Innumerabiles miraris morbos? coquos numera. Seneca.*

XII.

*Annus quo Moses usus fuit, in Patriarcharum aetate designanda, fuit Annus Aegyptiorum, solis reuolutione descriptus, duodecim mensibus, quorum quinis triginta diebus circiter constitit, absolutus: adeoque nostro non multo breuior.*

TANTVM.